



Broj: 01-14-4-1644/17
Datum: 09-11-2017

Na osnovu člana 21. stav (3) tačka c) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16) i člana 70. stav (1) i (3) Zakona o javnim nabavkama („Službeni glasnik BiH”, broj 39/14), ministar unutrašnjih poslova Kantona Sarajevo, d o n o s i:

ODLUKU
o izboru najpovoljnijeg ponuđača

I

Na osnovu Odluke, broj 01-14-4-13405, od 12.10.2017. godine i obavještenja o nabavci, broj 1364-1-3-44-3-46/17, od 12.10.2017. godine, pokrenut je otvoreni postupak za izbor izvođača radova za “Izvođenje građevinskih radova na rekonstrukciji prostorija sigurnosnog područja i centralnog registra u objektu Ministarstva unutrašnjih poslova Kantona Sarajevo”.

II

Komisija je shodno rezultatima vrednovanja i rang listi prihvatljivih ponuda dala preporuku da se donese Odluka o dodjeli Ugovora ponuđaču “KOLINVEST” doo Sarajevo. Ukupna vrijednost ponude iznosi 57.587,78 KM bez PDV-a, odnosno 67.377,70 KM sa PDV-om.

III

Po okončanju roka za žalbu, ugovorni organ će pozvati izabranog ponuđača radi zaključivanja Ugovora o javnoj nabavci, kojim će se regulisati međusobna prava i obaveze.

IV

Ova Odluka stupa na snagu danom donošenja.



Obrazloženje

Na osnovu Odluke, broj 01-14-4-13405, od 12.10.2017. godine i obavještenja o nabavci, broj 1364-1-3-44-3-46/17, od 12.10.2017. godine, pokrenut je otvoreni postupak za izbor izvođača radova za "Izvođenje građevinskih radova na rekonstrukciji prostorija sigurnosnog područja i centralnog registra u objektu Ministarstva unutrašnjih poslova Kantona Sarajevo". Procijenjena vrijednost nabavke iznosi 62.000,00 KM.

Prema Zapisniku sa otvaranja ponuda od 02.11.2017. godine, za aktivno učešće u postupku, dostavljene su ponude od strane ponuđača: KOLINVEST doo Sarajevo i GALBOLS doo Sarajevo.

Komisija za provođenje tenderske procedure za izbor najpovoljnijeg izvođača građevinsko zanatskih radova na rekonstrukciji prostorija za uspostavljanje sigurnosnog područja, imenovana rješenjem, broj 01/5-1-14-4-11991, od 20.09.2017. godine je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, 01-14-4-15741, od 09.11.2017. godine, u kome je navela da ponuda ponuđača KOLINVEST doo Sarajevo ispunjava sve formalno-pravne, ekonomske i tehničke uslove i zadovoljava zahtjeve ugovornog organa. Shodno tome a u skladu sa utvrđenim kriterijumom najniža cijena ponuda ponuđača KOLINVEST doo Sarajevo je ocijenjena kao prihvatljiva, te je Komisija dala preporuku da se dodijeli Ugovor navedenom ponuđaču.

Ponuđač GALBOLS doo Sarajevo uz ponudu nije dostavio sve dokaze vezane za ispunjavanje uslova tehničke i profesionalne sposobnosti, dok vrijednost ponude, koja iznosi 68.911,48 KM bez PDV-a znatno prelazi raspoloživa sredstva predviđena za finansiranje nabavke. S tim u vezi ponuda se odbacuje u skladu sa odredbama iz člana 68. stav (1) i stav (4) tačka j) Zakona.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom. 99. i 101. Zakona o javnim nabavkama.



DOSTAVITI:

1. Komisiji
2. Ponuđačima
3. Odjeljenju za odnose s javnošću, radi objave na web stranici ugov. organa
4. a/a